



Marita Jessen  
Inatsisartunut ilaasortaq  
Inuit Ataqatigiit

**Inunnut innarluutilinnut sanaartorneq pillugu § 37 naapertorlugu  
apeqquteqaammut 2024-115-imut akissut**

30-05-2024  
Sag nr.: 2024-11411  
ID. nr. 92454288

Asasara Marita Jessen

Inatsisartut suleriaasianni § 37 naapertorlugu sanaartukkat innarluutilinnut naleqqusagaasimanissaat qanoq qulakkeerneqartarnersoq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqqut 1: Inuit innarluutilit pisortat pigisaannut Sanaartorneq pillugu  
Inatsisartut inatsisaat pillugu Namminersorlutik Oqartussat nalunaarutaanni  
kikkut § 6 imm. 2-mut 4-ramullu nakkutilliisuusarpat?**

Akissut: Sanaartukkami nutaami inatsit malinneqarnersoq, inatsillu naapertorlugu malittarisassat aalajangersarneqartut malinneqarnersut, Sanaartorneq pillugu Inatsisartut inatsisaanni § 18 naapertorlugu kommunit nakkutilliisussaapput.

**Apeqqut 2: Inatsimmi apeqqummi siullermi taaneqartumi §6 immikkoortoq 2  
aama 4-mut aalajangersakkamik ilumut inunnut innarluutilinnut  
tulluartaunissaannut qulakkeerinnittumik maleruagassaqaqarnerluni? Soorlu  
isaariaq qanoq isikkoqassanersoq, matup nammineerluni ammartarnersoq, qanoq  
matut silissuseqaqarnerannut, sanaartukkallu iluani ilumut inuk innarluutilik  
kiffaanngissuseqaqarluni nammineerluni angalaarsinnaanerannullu tunngasut,  
elevatorillu ilumut naleqquttuunersoq kikkunnut tamanut.**


Akissut: Sanaartukkat nutaat innarluutilinnit atorneqarsinnaanissaannik qulakkeerisussanik, illuliornermi malittarisassat 2006-imeertut aalajangersagaapput. Ilaatigut pisortat illuutaanni iserfissat portoqatigiinnissaannik, matut silinnissaannik, perusersartarfiit innarluutilinnut naleqqussagaasimanissaannik kiisalu issiavinnik assakaasulinnik atuisuinit atorneqarsinnasunik elevatoraqarnissaanik il.il. illuliornermi malittarisassat piumasaqaateqarput.

### **Apeqquut 3: Arlaannik naalackersuisut eqqumaffigisaqarlutik ilassutissaqarpat?**

Akissut: Naalackersuisut naatsorsuutigaat, illuliornermi malittarisassat nutaat ukiup ingerlanerani saqqummiutissallugit. Piumasaqaatit sanaartortunut, oqartussanullu paasiuminarniassammata, illut tikikkuminassusaat pillugit piumasaqaatit assiliartalerlugit malittarisassani nutaani ersarissarneqassapput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen